

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak
o obustavi postupka

Sarajevo
maj 2014. godine



Broj: 04-26-3-35-30 -II/13
Sarajevo, 29. maj 2014. godine

Na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09) i člana 122. st. (1) i (2) Zakona o upravnom postupku («Službeni glasnik BiH», br. 29/02, 12/04, 88/07, 93/09 i 41/13), rješavajući po Zahtjevu za pokretanjem postupka broj: 04-26-3-35-II/13 koji je zaprimljen dana 15.11.2013. godine i Zahtjevu za odustajanjem od daljeg vođenja postupka broj: 04-26-3-35-28-II/13 koji je zaprimljen dana 25.4.2014. godine Konkurencijsko vijeće, na 91. (devedesetprvoj) sjednici održanoj dana 29.5. 2014. godine, donijelo je

Zaključak

o obustavi postupka pokrenutog po Zahtjevu za pokretanje postupka broj: 04-26-3-35-II/13

- 1) Obustavlja se postupak pokrenut po Zahtjevu za pokretanje postupka radi kršenja Zakona o konkurenciji i donošenja rješenja o privremenoj mjeri, podnesen od strane Javnih RTV servisa u BiH koji čine RTV Bosne i Hercegovine, Bulevar Meše Selimovića br. 12, 71000 Sarajevo, RTV Republike Srpske, Trg Republike Srpske 9, 78000 Banja Luka i RTV Federacije Bosne i Hercegovine, Bulevar Meše Selimovića br. 12, 71000 Sarajevo, protiv Regulatorne agencije za komunikacije BiH, Mehmeda Spahe br. 1, 71000 Sarajevo, radi odustajanja Podnosioca zahtjeva od daljeg vođenja postupka.
- 2) Ovaj Zaključak je konačan i bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 15.11.2013. godine pod brojem: 04-26-3-35-II/13 zaprimilo Zahtjev za pokretanje postupka radi kršenja Zakona o konkurenciji i donošenja rješenja o privremenoj mjeri (u daljem tekstu: Zahtjev) podnesen od strane Javnih RTV servisa u BiH koji čine RTV Bosne i Hercegovine, Bulevar Meše Selimovića br. 12, 71000 Sarajevo, RTV Republike Srpske, Trg Republike Srpske 9, 78000 Banja Luka i RTV Federacije Bosne i Hercegovine, Bulevar Meše Selimovića br. 12, 71000 Sarajevo (u daljem tekstu: Podnosioci zahtjeva ili Javni RTV servis), koje zastupaju advokati Džemil Sabrihafizović, ul. Koste Hermana br. 11, 71000 Sarajevo i Kerim Karabdić, ul. Skenderija br. 5, 71000 Sarajevo protiv Regulatorne agencije za komunikacije BiH, Mehmeda Spahe br. 1, 71000 Sarajevo (u daljem tekstu: RAK) radi kršenja člana 4. stav (1) pod b) i d) Zakona o konkurencij (u daljem tekstu: Zakon).

Uvidom u dostavljenu dokumentaciju Konkurencijsko vijeće je utvrdilo da predmetni Zahtjev nije potpun, u smislu člana 28. stav (2) Zakona, te je dana 27.11.2013. godine aktom broj: 04-26-3-35-1-II/13 i dana 17.12.2013. godine aktom broj: 04-26-3-35-3-II/13, Konkurencijsko vijeće zatražilo dopunu Zahtjeva.

Podnosioci zahtjeva su dana 10.12.2013. godine podneskom broj: 04-26-3-35-2-II/13, dana 24.12.2013. godine podneskom broj: 04-26-3-35-4-II/13 i dana 17.1.2014. godine podneskom broj: 04-26-3-35-7-II/13 dostavili dopunu Zahtjeva.

Nakon kompletiranja Zahtjeva, Konkurencijsko vijeće je dana 17.1.2014. godine (akt broj: 04-26-3-35-5-II/13) Podnosiocima zahtjeva izdalo Potvrdu o prijemu kompletnog i urednog Zahtjeva, u smislu člana 28. stav (3) Zakona.

Podnosioci zahtjeva u Zahtjevu, traže od Konkurencijskog vijeća hitno donošenje rješenja o privremenoj mjeri, u skladu sa članom 42. tačka e) Zakona, kojim će se naložiti obustava postupanja po Odluci o izmjeni Kodeksa o komercijalnim komunikacijama (Kodeks o izmjeni kodeksa o komercijalnim komunikacijama („Službeni glasnik BiH“ broj 78/13)) (u daljem tekstu: Kodeks o izmjeni kodeksa) usvojen dana 25.9.2013. godine od strane Vijeća RAK-a, jer se članom 1. Kodeksa o izmjeni kodeksa član 21. Kodeksa o komercijalnim komunikacijama („Službeni glasnik BiH“, br. 98/11 i 94/12) mijenja i glasi: „*Trajanje spotova za oglašavanje i teletrgovinu za javne RTV servise iznosit će najviše 4 minute po satu u televizijskim programima, te najviše 6 minuta po satu u radijskim programima.*“, te da podnose Zahtjev za pokretanje postupka pred Konkurencijskim vijećem radi poništenja Kodeksa o izmjeni kodeksa, u skladu sa ovlaštenjima predviđenim članovima 27. i 28. Zakona.

Na osnovu dostavljenih informacija i dokumentacije, Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosioci zahtjeva ukazuju, te je dana 22.1.2014. godine u skladu sa članom 32. stav (1) i (2) Zakona donijelo Zaključak o pokretanju postupka broj: 04-26-3-35-8-II/13.

Budući da su u postupku učestvovala stranke sa suprotnim interesima, Konkurencijsko vijeće je zakazalo, u skladu sa članom 39. Zakona, usmenu raspravu za 15.4.2014. godine (poziv za usmenu raspravu upućen aktom broj: 04-26-3-35-22-II/13 i aktom broj: 04-26-3-35-23-II/13 od 2.4.2014. godine). Na zahtjev RAK-a Konkurencijsko vijeće (podnesak broj: 04-26-3-35-24-II/13 od 14.4.2014. godine) je odgodilo održavanje usmene rasprave cijeneći opravdanim obrazloženje RAK-a kojim je zatraženo odgađanje usmene rasprave.

Konkurencijsko vijeće je aktima broj: 04-26-3-35-26-II/13 i broj: 04-26-3-35-27-II/13 koji su upućeni dana 14.4.2014. godine pozvalo stranke na održavanje usmene rasprave za dan 29.4.2014. godine.

Obavještenje o odustajanju od daljeg vođenja postupka

Podnosioci prijave su aktom zaprimljenim pod brojem: 04-26-3-35-28-II/13 dana 25.4.2014. godine obavijestili Konkurencijsko vijeće da odustaju od daljeg vođenja postupka obzirom da je Kodeks o izmjeni kodeksa objavljen u Službenim novinama BiH br. 30 dana 21.4.2014. godine.

Na osnovu člana 122. stav (1) Zakona o upravnom postupku stranka može odustati od svog zahtjeva tokom cijelog postupka, a prema stavu (2) istog člana, kada je postupak pokrenut po prijavi stranke, a stranka odustane od svog zahtjeva, tijelo koje vodi postupak donijet će zaključak kojim se postupak obustavlja.

Konkurencijsko vijeće je na osnovu navedenog odlučilo kao u tački 1. dispozitiva ovoga Zaključka.

Administrativna taksa

Podnosioci zahtjeva na ovaj Zaključak, u skladu sa članom 2. stav (1) tarifni broj 108. tačka b) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) su dužni platiti administrativnu taksu u ukupnom iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Gordan Raspudić